

摘藻堂四庫全書薈要

集部

欽定四庫全書薈要

集部

御製詩二集卷五十一

二

詳校官原任編修臣徐立綱



欽定四庫全書薈要卷一萬三千三百七十八

集部

御製詩二集卷五十一

古今體九十三首

甲戌七

七月五日東巡自避暑山莊啟蹕之作

避暑山莊

居停逮曉秋朝來清蹕啟龍旂遠人宴賚鴻儀備

炎月棲遲馬足休  
怡悟茲來即向往  
因思欲進每資留  
山田是處蕊華忝  
未敢先期道有收

上

陵誠蘊十年餘  
晴日金風行色舒  
山館南看嶂猶近  
吉林東指路還紆  
每懷侯度咨休助  
常喜

慈寧奉起居七萃  
率能知大義寧因  
跋涉怨咨予

熱

谷風爽彌月午炎  
劇今日明當祝融  
歸後勁亦理必山  
田况賴恒恒涼奚  
秀實此熱不可無  
黃雲奄觀銍山榛  
蕩輕賴行宮清且  
謐對時思化機即  
境契彛秩地限誠  
有權天行終不失

農稼資蒸溽行旅畏炎歊兩全誠甚難思艱寸心勞炎  
官信其令胡不於昨朝吾寧乏清涼車馬多囂囂音南教  
瞻避暑莊無暑恒逍遙

新月

碧漢秋眉露一痕晚涼行館靜塵喧掃愁亦是添愁者  
冷露無聲桂影騫

璽隴峰有序

過中闕行宮迤東十餘里有峰拔地嵯嶻率律望

若翠屏嵌空虛洞似仙人之所棲止名之曰璽瓏  
而係以詩

朝催行騎緣谷東新程逐處浴民風沿岡度澗凡幾重  
路右遙見凌霄峰巍乎氣象迥不同羣山拱伏孰與京  
叶倚天拔地超哉雄嵌空洞穴宛轉通崔嵬巖薛森  
葱奇葩真樹那可名叶幻以雲氣鬱豐隆石戶儼開守  
玉童丹竈碧火其燄紅垂垂鐵鎖懸長空凡骨悵望難  
尋蹤在昔下風訪崆峒塞垣荒略傳何從欣茲始遇名

鹽龍飛來奚事艷吳中至今吟咏紛莫窮

處暑

究是行秋地那更處暑時葉從人面落爽自馬頭披煙  
驛長和短雲山幻復奇田疇看漸熟惟有祝霜遲

御行營六韻

崔巍帳殿鬱蘭坡星拱周遭萬幕羅豈限幅員分內外  
亦陳斥堠不譙呵繹思厥度期無數到處其居慶有那  
視膳

寢門欣一例勅幾午夜協中和掃除扎薩咸惟謹

蒙古四十

九旗各有扎薩克領其衆

警蹕金吾底用多長白吉林佳氣繞敢煩

天作烈文歌

雜言

戶樞不蠹簷溜乃穿齒剛易壞舌柔常存謀國則否謀  
野則臧兩爭曰弱三和曰強負郭二頃相印無期雖有  
鎡鋌不如待時

七夕



萬古淒涼夕雙星聚會辰塞高疑漢近鵲翥儼橋陳何  
必層樓結依然檐鼓新不知月露下秋思動何人

曉行

一夜西風谷變涼行人迫曉換征裳山田亦自知時候  
頽粟垂垂漸染黃

鳴鞭速亦停鞍速晏起遲還歇頓遲因識習勞常得逸  
誰能修業不趨時

經喀爾沁部落

列帳沿岡道左迎羊羣馬酪各將誠親藩衆建堪同例  
外域羈縻豈近情漫擬星辰環北極也知稼穡望西成  
百年化育皆

先德繼緒心殷惕捧盈

大寧城覽古

斷戍頽垣蔓草青秋風立馬一延停侍臣不識憑臨意  
只道初番過大寧

金元遺跡感荆凡祇有羣山繞碧巉慨古心還惕殷鑒

遐荒貼服在和誠

明祖當年亦甚英  
遠臨絕域建三城  
豈知土木百年未  
介弟居然攝北京

躡後燕師慮患深  
魏邛會飲早成擒  
南中燕雀真堪笑  
方建皋門及正心

題大寧塔

魯恭宮殿頽無存  
惟餘宰堵巍平原  
寂寥此日真淨業  
莊嚴異代徒祇園  
傑構歲久具靈異  
不雲常幕氤氲氣

自遠早見鬱岵岵逼近欲瞻翻不易此中妙諦吾已知  
恰似法華開塔時因緣時節苟未至當面錯過空齋谷  
須臾朗徹陰翳消珠幢湧地影蕩搖八方薄伽梵齊現  
一路涅槃門豈遙瓴甃枝撐邈難陟摩空鶴鶴搏其翼  
當時挈眷盡歸南萬古標宗恒鎮北六和浮玉向曾登  
仰矚空懷最上層觸緒題詞詎可置遇境忘言實未能  
大千乾闥何春秋碧眼僧過有偈留牛羊下麋鹿遊那  
似慈恩杜甫愁金風策馬遵前郵

雨

午熱剛虞駝馬疲雲峰遠宇吐來奇須臾止頓輕涼送  
武帳秋風度萬絲

長途豈乏後行人漸石應教受苦辛暑雨怨咨今不啻  
每因即景慎臨民

山田日日看雲黃都喜惟時若雨暘可識先憂饒後樂  
塞中還為祝豐穰

輕雷斷雨一川晴西塞槍竿夕照明還見遙天飛電影

紗衣不勝谷寒生

山田

山田不愁旱恒有陣雨過山田不愁澇就下流溪河蒙  
古佃貧民種田得租多即漸罷遊牧相將藝黍禾黍禾  
日以好牛馬日以少是云務近利而或失本道本道曰  
何如毳帳羊裘居射生善馳馬乳酒相歡娛試問百年  
前流民到此無流民今到此或亦資生理凡茲率土濱  
孰非我赤子養恬在隨宜不督翻為喜

板升有序

蒙古語音以羶廬為格爾以土瓦屋為拜牲板升者蓋拜牲之訛也羶廬其舊俗而土瓦屋則近代始有之內地流民至此率仍屋處明季因以是為苦蓋視板升儼如畏甌脫矣

韋韞毳幕禦風雨那識上棟及下宇天津啼鳥風自南荒略漸開知室處遠漠仍少近塞多居然村落連岡阿肉食酪漿易舊俗刀耕火種期嘉禾貧民無業利遷徙

山田易藝資生理苟勤畊鑿戒潢池到處孰非吾赤子  
遐想明季非承平畏胡不已畏板升帑餉未逮持戟士  
邊將邀功猶請兵丘富趙全資敵用烽火連營蹙提封  
惟因日引以月長安在馭輕而居重板升今日猶昔年  
阡陌滋闕皆良田諸部左右屬橐鞬黎民瞻就蹕路邊  
詰戎咨穡愷澤宣慎茲大寶萬葉傳

入教漢境

據嶺分疆異清塵灑道同後先咸奉職誠敬自由衷漸



見牛羊牧仍欣禾黍豐時巡慎侯度繼序念

戎功

西北風

七月十四日

噫氣涼盈谷  
毆雲天淡空  
非關少女候  
真是大王雄  
翼退橫霄  
鷁蹄輕歛玉  
驄停鞭西北  
望萬里此來  
同

寄題教漢瀑布水

我愛教漢瀑布水  
今來路隔三百里  
題詩睽眼十一年

乾隆八年東巡途經其下題長句大書磨崖今年取飛  
道迤東相距三百餘里故賦此寄題其後以紀歲月

注東流殊未已

教漢台吉彭蘇克拉錫能詩書以賜之

出守黃沙塞入趨白玉墀

命在乾清門侍直

幾曾金翕叔入侍

解吟詩

蒙古諸王公進宴即席賦句

隆崇圓幕據蘭坳將悃聯情自可聽遊牧爾安職斯述  
懷柔我厘化惟寧技呈詐馬鋪雲錦樽酌南山暎座青  
文織精鏐頌後賚異他歲幣享王庭

聞永定河堤有泛溢處詩以誌懷

永定古桑乾蕩漾延數縣雖獲一麥收難免三伏漫制  
堤以束之其初頗循岸無何淤漸高泛溢乃頗見下口  
凡屢更揚沸豈長算今夏雨畧多盈壑致旁灌或云聽  
其然功倍於事半試看無隄初何無衝決患近是究難  
從哀哉彼饑洊

榛蝮

啾啾榛蝮抱煙鳴亘野黃雲入望平雅似長安銅雀噪

一般農候報西成

蛙生水族蝸生陸振羽秋叢解促寒蝸氏去鼃因錯注

至今名象混秋官

按蝸蝸乃絡緯蟋蟀之類周禮蝸氏去鼃鼃原不指一物而言注謂蝸今

御所食蛙夫蛙乃蝦蟇不可食之理不精考而錯注以訛傳可食至蝸蝸則斷無可食之理不精考而錯注以訛傳訛蓋不少矣

月七月十五夕

畢景羣山暝林端滿月飛呈寒無纖翳委照有餘輝拂我文本牀寒我薄羅帷靜對無不佳况此深翠微奚問

中元節河燈滿液池

小獵

諸部皆攜獵騎行為聽指使各將誠便教小試龍沙坦  
嘉彼殷勤奉上情

麋鹿雖無饒雉兔平川淺草吉驎飛

所乘馬名順吉驎

肅置不

藉爰爰中嘉兆今秋第一圍

叅田牧野間平岡愛看雲容漸作黃分付獵人避蹂躪  
便因失次審何妨

魚貫雁行循律度控弦按隊識尊親忽臨中次傳收獵  
已避長途廿里塵

土默忒

部名雖異族類同犬牙相入分提封執役鞠膾皆虔恭  
百年休息營皇風致茲豈易凜予衷

急雨

急雨正當止頓後午暄驅盡峭寒生  
泊雲捲淨雷聲斷  
夕照一川紫翠明

魚石屏歌

有序

向見酉陽雜俎載衡陽湘鄉縣有石魚山山石色  
黑理若生雌黃開發一重輒有魚形鱗鬣首尾若  
畫長數寸燒之作魚腥又重慶江心有雙魚刻石  
上每一魚三十六鱗見則歲豐云云夫石上刻魚  
世或恒見至開石自具魚形則非人力所能為疑  
為烏有誕論而已今過土默忒部落路南有所謂  
撒哈河灘者土人種田掘地得石剖之有魚形復

剖之則復見大寸許小數分計銜尾比目若游泳  
然乃知古人所載必有其徵誕在此實即在此製  
以為屏不異王振鵬魚藻圖也

造物有無宗元疑石中魚形誰所為雕琢不到繪難揮  
又匪其中置鯢鯢擘開紋理紛鏤奇鬻甲刻畫噉喙姿  
永免麗罽及粘徽漫慮漑釜膾銀絲琴高仙駕或其遺  
不然善眩如條枝殖爪種樹幻術施冠冕秋化石不移  
元王沉璧洛水涯化玉未聞仍孕其湘鄉奇蹤向謂虛



叶  
事必有偶今始知詭談詫蹟序若斯折中理氣繫予  
思是地昔必潦水滋水退魚存僵淤泥歲久土變石理  
宜試看易剖片片披宛然藻潛還浪吹寓形得所壽可  
期磨而不磷涅不緇製屏堪陳筍席垂兆維豐年念在  
茲

前題再詠

久竹青寧化難窮萬物情却看文石裏不異碧波清寫  
影於鱗活知春出浪輕誰能緡餌釣底慮釜鬻烹幻體

何妨脫真形永寄貞謂言在藻類可以認三生

霧獵

磧山作霧亦太奇白綿青嶂紛高低依微迴薄幻晴晦  
窈鬱散漫迷東西蒙古慣見不介意依然塞甸陳獵騎  
林中即鹿有虞人吾亦因之射生試風來霧散嵐嶺清  
偏伍不亂魚貫行據鞍大笑有如是區區何數劉雄鳴  
即事從覘奉上誠

聞京師秋成有象即事誌慰

農家有常談豐年收成早今歲獲新糧乃在六月杪青  
黃價未增預識苗秀好啟駕及停蹕綠雲觀載道避暑  
居山莊兩月恣幽討惟是關內田來往縈懷抱京兆報  
佳音西成逮萬寶巡方有常度祈年切久禱慰慶志愈  
欽際泰貴善保

準噶爾輝特部台吉阿睦爾撒納歸誠信至詩以  
識事

惠逮條枝宴賚陪

駐避暑山莊賜宴都爾伯特台吉烏策凌等封以王公等爵命返遊牧

孫又報挈羣來敢云德化俾苗格信是

天恩致宇恢重賞崇封吾豈靳推心置腹彼何猜山莊

計日應重到

將以冬月復臨  
熱河晉見施恩

深意當年萬載培

入科爾沁境

塞牧雖稱遠姻盟向最親

嗣徽彤管著綿澤礪山申設候嚴喧沓清塵奉狩巡敬

誠堪愛處未忍視如賓

即事

宵衣報到軍書來，遠人歸服萬帳偕。  
安之榮之滿彼懷，更籌游牧俾宇恢。  
次第指揮疇咨安，中樞草諭詎待坐。  
平原獵騎已久延，草淺兔肥試馭娖。  
須臾馳呈諭草看，據鞍筆削寧辭瑣。  
因思陸賈有名言，馬上治之却又可。  
堪達漢

似鹿魁而壯如驢逸，且頗馳山艱却緩履。  
如迅如飛生黑龍江沮洳地，科項似垂膺。  
鞅角堪為指機決韞之屬世爾沁或生致之名指機以其

角為釋名翻爾雅麋獸是耶非

雲

沙磧生雲異塞山氤氲漸重依霏間白日淡影忽變黳  
谷風無力增迷漫海雲山雲有依止磧雲來去難形似  
如陣如樓非所云旋生旋息無終始

夜雨

入夕雲容重飛空雨勢長幕聲增淅瀝塞意想蒼茫牧  
馬嘶偏壯營譙夜未央潤清沙磧塊漲拍野溪航萬帳

頻縈念重衾暗覺涼明當停蹕日漸石却無妨

科爾沁固倫和敬公主額駙達爾漢親王色布騰

巴爾珠爾侍宴因成是什

世篤姻盟擬晉秦宮中教養喜成人

色布騰巴爾珠爾九歲時即命隨諸

皇子讀書

詩書大義能明要嫺汭叢祥遂降嬪此日真堪呼

半子當年欲笑議和親同來侍宴承歡處為憶前絃轉

鼻辛

固倫和敬公主乃孝賢皇后所生故云

涼

秋雨從來報寒信  
龍沙寒信益分明  
不嫌野水添行潦  
且喜西風送爽晴  
衣盡裝綿七月杪  
馬方免喝四蹄輕  
山溪一路逢迎者  
煖酒溫湯無限情

短行歌

授食授騎飯粗馬醜  
背負肩挑日隨馬走  
謀人自謀翻手覆手  
不為利迴不為義咎  
十步百步孰先孰後  
大海不盈惟其善受

賜蒙古諸王公宴



瑞日卿雲朗磧沙高張黃幄宴賓嘉紫螺滿酌蒲萄酒  
翠椀均頒乳酪茶却笑南朝費金帛僅能中國覲呼邪  
綿延

祖業希千億中外君臣自一家

蔣溥進所作塞外雜詠依韻和之

檀廬

耽逸懷居理則那拂廬取便穩裝駝放彌卷密施功易  
水驛山程得景多近渚恰宜臨野蓼依峰偏愛冒煙蘿

方圓毳幕施俱可揔是人間風月窩

駝裝

鈴聲替戾度行馳致遠擔勞有足多訝可知風還聽水  
竄耽柳陌與沙坡劉欣卸重成羣卧又迫臨明逐隊過  
飼秣恩誠思致報崎嶇路亦慎防蹉

馬絆

伯樂偏虞馬易馳維連以絆出奇思除將麋鹿難為繫  
任是驂騑亦設羈卓立試嘶清夜月恣眠常憶白沙陂

繫之亦欲飫之節此事惟應善牧知

風竿

雨朝風夕自飄搖誰翦襄雲落絳霄有意恰知馬足倦  
無言應解客心招低翩高颭皆成畫圖碧方紅各取標  
最是幕中鼾睡遍一竿月露漾清宵

雨溝

雨脚飛來碧嶂頭周防已作未然愁落空任灑人形帳  
就下都歸之字溝漈漈應知看立涸涓涓且擬聽新流

奚童畚鍤勤䟽鑿底慮棼絲鎮相入繆

設卡

沿岡一帶勢連雲露重莎平淨翳氛鈴索宵明依制設  
官郵今昨計程分隍中祇慮聲驚獸磧裏兼存意習軍  
陳利誰何更無藉頒禽也足當酬勲

地竈

朝晡惟是供炊用增減非闕設計深撥草乍欣逢舊穴  
烹魚奚藉漑新鶩聃觚未易尋常踞墨突休言不待黔

移頓莫教輕掩棄即看昔製乃資今

安市

車載肩挑逐逐來營東遠列任囂飢米鹽日計應教聚  
蚩眩風澆未許開縱便罷譏何有惠豈常負販不儲材  
蠅頭笑彼旋糜盡滿橐盈囊若箇回

征衣

衣裁短後合時趨打疊巾箱脩遠途豈是從戎歎離別  
也須著意稱身軀鵜梁慢誚輕濡翼韋褶偏宜淡染蕪

頗有鄒枚尚寬博果然實必與名俱

銅晷

巧製伊誰意最初不消方位指南如宵明長短無差報  
十二時辰有定書測景每教臨日下尋題便以適幾餘  
今人雅合分陰惜陶侃名言實起予

頒鹿

罷圍休息羽林羣營外頒禽率未申獨享不盈饌腊藏  
去均霑偏厚膳虞人堆來已看彌平壤持去從教饋比  
聲

隣自割懷歸且無罪空還應慮細君嗔

和詩

每因得句命賡詩韻府類函儘覽披畢竟老成還獨步  
可憐後進亦攀追古今風雅誠誰是宵旰憂勤只自知  
不是賞花釣魚處呈箋難與辨妍媸

蒙古土風雜詠十二首

有序

甲戌東巡由熱河出中關即入喀爾沁境經敖漢  
柰曼土默忒科爾沁諸部匝月廼至吉林所見塞

外土風多有可紀隨事命題各䟽小序得七言律  
詩十二首亦周爰諏度之義也

乳筭

以皮為之平底豐下而稍銳其上捋乳盛之於取  
攜為便

形似罌餅製以皮渾侖不慮漏卮遺牛羊幸過春艱後

塞地春寒青草未出牲畜  
乏食疫瘦惟春候為最艱

婦子羣欣夏捫時何必雲漿

需玉斧也憐龍種紕金羈

牛馬羊乳皆資飲食而捫酒  
惟馬乳為佳羈其駒方可捫



其北也

本來原是其中物彼此胡然判轉移

### 荒田

農作非蒙古本業今承平日久所至多依山為田  
既播種則四出游牧射獵秋穫乃歸耘耨之術皆  
所不講俗云靠天田

本是射生游牧地即今漸亦重農田耨耘未識各勤力  
豐歉惟云總賴天出逐草泉長夏裏歸臨鉅艾九秋前  
耕而鹵莽報鹵莽塞穡觀餘始信然

鄂博

蒙古不建祠廟山川神示著靈應者纍石象山冢  
懸帛以致禱報賽則植木為表謂之鄂博過者無  
敢犯

路口山頭壘石磷心常依處地常神雨查達復晴查達  
凡祈雨祈晴皆在此  
蒙古謂之查達土偶人啗木偶人引馬折旋嗔莫犯

從禽屢獲福還申春秋報賽雖荒畧依約猶存土鼓幽

草囊

以草為之用代筐筥罌盎食用鉅細無所不納行  
汲或以貯水涉川則挾之肘間亂流以濟或謂之  
皮餽餽盖俗呼也

紉草為囊號庫奴

出蒙古語

精麓器用此中俱豈須錦緣

去聲

還絲綰無過茶鐺及飯盂詩句清新記耶律辯言詆謔  
幸侏儒經繙四十二章過乍可因之悟幻軀

### 柴車

取材於山不加刻斲輪轅畧具以牛駕之行則鴉

軋有聲如小舟欸乃

斲木推輪雖太質服牛引重利偏多似機鴉軋纔鳴室  
疑櫓伊吾旋渡河自是驅馳輸駿馬未教負載讓明駝  
沿岡銜尾徐徐進可號山中鼓吹過

骨占

炙羊肩骨視其兆以覘吉凶猶古龜卜

爛頭爛胃蹴蔬羊取骨為占以火揚額祝便因看墨坼  
心虔率可定灾祥古方畧異太人卜紛議非關待詔郎

不用何妨識其事至平易裏至奇藏

馬竿

生駒未就羈勒放逸不可致以長竿繫繩縻致之  
蒙古最熟其技

八尺長竿繫以繩提攜最制馬犇騰轡銜詭去無端逸  
駒駢牽來有獨能詎祇空羣誇伯樂恰如把釣遇嚴陵  
龍媒莫怨生羈絡不爾安從駿驥稱

兜版

兒生在襁褓中令臥版上韋束其兩臂倚氈廬壁間啼則搖之徙居則懸之馳裝之後

毳幕生兒亦可憐背眠木板草提肩倒縋縱免身狼籍卓立因成足鵠拳氈罽便為衣去聲裳具乳酥即是洗盆錢移居那慮風霜冒襁褓呱呱馳上懸

灰簡

木削兩簡編韋聯之稍刻其中塗油而布以灰作字畢則拭去而更布之有古漆簡之風

約束從來祇語言  
右行文字肇興元  
既成旋拭新書便  
剝木塗油古質存  
漬竹揮非蒼頡字  
編韋絕豈仲尼門  
分明汗簡遺風在  
儒士徒觀不解論

### 竹筆

蒙古產毫穎而未得縛筆之法  
削竹成尖漬墨揮殊塗漆簡却同歸  
儘饒毛穎誰封管  
却是蒙恬未合圍  
荒畧初分今與昨  
魯魚孰辨是耶非  
穹廬筆策赤書就

國語筆帖式即蒙古語筆策赤  
謂能書文字者驛傳每用之

郵遞

還從馬上飛

口琴

製如鐵鉗貫鐵絲其中銜齒牙間以指撥絲成聲  
宛轉頓挫有箏琶韻

絃皮手撥管蘆吹口上彈琴乃鐵為宛合宮商憑兩葉  
亦堪攫醪祇單絲高山流水分明在鳳尾龍唇非所知  
綽爾濟歌天魔舞毳廬馬捫醉關氏

轉經



蒙古奉佛惟謹木輪中貫鐵樞可轉動集梵經於  
輪間大者支木架以手推之小者持而搖之旋轉  
如風謂一轉功德與持誦一過等

印成十二部真文轉法輪稱佛所欣孰半字還孰滿  
字即熏聞已即成聞隨風旋轉揚黃教

蒙古謂喇嘛為黃教見必

膜拜度世娑婆遍塞垠如此翻經誠甚易釋迦何用雪  
山勤

賜盛京將軍阿蘭泰

出寄千城入侍宸

阿蘭泰在御前侍衛裏行

據鞍矍鑠尚精神東都

留守分明是應領耆英會裏人

阿蘭泰年六十餘而鬚髮皆白故戲及之

賜吉林將軍傅森

數處開牙盡有名大東坐鎮翼陪京將軍底事無勲勩  
累洽重熙值太平

碧柳圖

山名蒙古語謂礪石為碧柳在克爾素邊門外癸亥東巡過此曾有作今歲至吉林應進伊屯邊門

取路少北而東故遙見之

舊識吉林路遙瞻碧柳圖依然峰巘彼曾憶句吟吾何  
日山為礪流年隙過駒拈髭長若許罨畫了無殊

八月朔日作

日日復行行暮停還曉征恰臨秋仲月也庶巨千程奉  
懿承歡切思

先修祀誠龍沙戶庭度雞羽牘章呈詎是能柔遠惟云  
此勵精每因攬塞穡亦與喜西成較獵同人樂馳驅驗

衆情吉林佳氣近馬首向東迎

下河州縣復有被水處亟命撫恤兼示董事者  
去歲漲徐淮哀鴻被重災金隄雖順軌日日繫吾懷  
麥收既報豐夏種亦稱既如何臨西成將食奪之匱  
下河誠水鄉䟽導宜周詳急須引歸墟豈徒固隄防  
分命及專差相視謀淪排浚䟽誠得法此灾復何來  
聞奏日徬徨守臣何為情截漕留帑金救此罄罄氓

即事

一馬奪繯一馬蹏左牽右控齊伏之處以從容力有餘  
叶安慮驚曼與介倪羈縻鞍勒旋可施一馳萬里惟風  
追牧兒能事蓋若斯指不勝屈名紀誰王良孟賁徒稱  
其幸哉說項人人知

柳條邊

西接長城東屬海柳條結邊畫內外不關阨塞守藩籬  
更匪畚築勞民憊取之不盡山木多植援因以限人過  
盛京吉林各分界蒙古執役嚴誰何譬之文園七十里

圍場豈止逾倍蓰周防節制存古風結繩示禁斯足矣  
我來策馬循邊東高可踰越䟽可通麋鹿來往外時獲  
其設還與不設同意存制具細何有前人之法後人守  
金湯鞏固萬年清詎繫區區此樹柳

入伊屯邊門

部落行將遍吉林望不遙迎人山色近礙路漲痕消村  
墅經楓葉邊墻進柳條初來原故土所遇匪新招瞻就  
心何切勤勞意豈驕省方逢大吉寶穡報豐饒

紅葉

磧沙邇日惟黃草峰石今朝有錦林借問丹青是誰染  
動人爾許識秋心

台尼堪

外蘭昔日正王師

國語謂漢人為尼堪我祖首征尼堪外蘭肇興王業也

太三達

遺羣亦戍茲

康熙年間平三藩以其遺類戍此守台因名曰台尼堪

萬里流遷怨

誰致百年戶口慶今滋即看多稼連岡熟那覺嚴寒傍  
塞奇試語尼堪歸故土轉應哀籲歎仳離

新月

八月  
四日

閒雲天宇淨  
眉影見媼娥  
又報中秋近  
不期一月過  
廬依舊好  
山樹不妨多  
試問朝歌令  
刪修今若何

村行

語言不異舊  
音聲新到頗  
懷故土情  
白叟黃童皆  
忭喜  
山村水郭動  
逢迎

播穀藝麻羣  
力作彎弓習  
射暇中魚尋  
常記得淳風  
美  
即景還教取  
次覘



糠燈土舍爨生塵草履布袍粗蔽身十二羽林皆識否  
汝先原亦若斯人

移人漓俗是皇州觸目花街復酒樓快看吉林村落景  
古風不易返從頭

賜吉林將軍及官員兵丁宴

黃幔青山皜日晴沛豐歡宴浹羣情恩頒軍士皆見藻

席預嘉賓適鹿鳴

時蒙古王公扈駕者亦令入宴

却喜多人能舊舞

國朝

喜起舞乃舊俗宴樂每用之俗所稱嘛克新者也

翻嫌小部鎮新聲本來此地

無租賦底用當延籲減征

御製詩二集卷五十一

欽定四庫全書薈要卷一萬三千三百七十九

集部

御製詩二集卷五十二

古今體七十九首

甲戌八

車駕至吉林得七言排律十二韻

踰千塞甸歷迢迢暢慰初心到一朝

天作高山保之永地呈沃壤壯哉饒星分箕尾神舉行  
俗重耕桑協氣調左氏浮夸紀周晉史家建置攷金遼  
為藩南接陪京近扼塞北臨黑水遙一旅艱難緬

宣父兩番巡幸遡

唐堯

康熙年間  
凡兩次巡幸至此

皇祖

繩

先惟是期無忝裕後還因視不忉問

寢承歡常愛日勅幾熙績每衣宵飭農為慶農逢稔省  
俗猶欣俗遠澆軍士歡虔皆子弟戚賓侍從擬臣寮持  
盈保泰心恒凜蒙業延休志敢驕陶復

當年未家室瀋陽因肇大風謠

駐蹕吉林將軍署復得詩三首

霏微夜雨曉來輕  
啟蹕油雲倏忽生  
幾點秋霖剗過陣  
滿空暘日大開晴  
地靈信是庥祥兆  
人意都增悅豫情  
天作高山景仰近  
應歆切切繼

先誠

星漢南來直北流

國語松阿里烏喇松阿里者  
即天河也漢語因名松花江

縈迴漭

沆衛神州城臨鏡  
水滄煙上地接屏  
山綠樹頭輻輳閭  
閻市中日往來舸  
艦織清秋設教圖  
入丹青盡應擬宣  
城謝氏樓

皇祖當年駐祭衙，迎鑾父老尚能誇。  
詎無洒掃因將敬，所喜樸淳摠不奢。  
木柱煙筒猶故俗，紙窗日影正新嘉。  
盆中更有仙家草，五葉朱旒茁四桠。

松花江

滾滾遙源出不咸

松花江即混同江源出長白山山海經作不咸山

大東王氣

起

龍潛劈空解使山原折，接上那辭霧雨添。  
兩岸叅差青

嶂，印一川縈繆碧波恬。地中呈象原檐鼓

松花江以松阿里烏喇得

名松阿里者即國語天河也

石辨支機孰是嚴

咏人參

性溫生處喜偏寒一穗垂如天竺丹五葉三椹雲吉擁  
玉莖朱實露甘溥地靈物產資陰騭功著醫經注大端  
善補補人常受誤名言子產悟寃難

望祭

長白山作

詰旦升柴溫德亨

山名建望祭殿於此

高山望祭展精誠  
椒馨次第申三獻  
樂具鏗鏘叶六英  
五嶽真形空紫府  
萬年

天作佑皇清風來西北  
東南去吹送羶薌達玉京

松花江放船恭依

皇祖詩韻

隆崇

長白佑維清  
松花江源山頂生  
飛流銀河練影明  
縈迴  
千里竹箭輕望



祭申悃和鸞鳴臨江遂命青雀橫水天上下秋光晶馮  
夷靜恬濤不驚擊汰直達吉林城滄浪之水義最精俯  
看直欲濯我纓詎必昆明習戰兵隆崇

長白佑維清繼繩

祖烈希景行從流寧為

去聲

欣渟泓

松花江捕魚

松江網魚亦可觀潭清潦盡澄秋煙虞人技癢欲効悃  
我亦因之一放船施罟濺濺旋近岸清波可數鯈鱸鯉

就中鱣鯉稱最大度以尋丈長髻軒波裏顏如玉山倒  
擲义百中誠何難鉤牽繩曳乃就陸椎牛十五一當馬  
舉網邪許集衆力銀刀雪戟飛繽繙計功受賜即命罷  
方慮當秋江水寒

尼什哈山

吉林城東十二里尼什哈山巍岌義度江攬景一登峰  
紅綠清秋錯如綺精藍大士乃白衣何代補陀飛至此  
天池澄湛萬山巔翠樾倒影波中美旱不知竭滂不盈

亦不飛流落澗底地靈雱禁固其宜

吉林將軍凡祈北叶雨晴皆于是山

維魚誰所始

尼什哈者即漢語謂魚也

### 吉林覽古雜詠

克商肅慎致梯航  
栝矢陳庭理或常  
未必幅員歸北土

詹桓辭晉失誇張

荒略山原限大東  
漢唐紀載鮮精窮  
購詩只有雞林使

雞林即今吉林  
蓋語音之訛

真鑒偏教幸白翁

遼金以後率堪詳  
府設黃龍因見祥  
地力三農真沃土

舟通百貨宛江鄉

宣和聲色恣情奢壓境難迴勁旅加可笑蟲生幽五國  
風流猶自號琵琶

採珠行

圓流育蚌清且淪元珠素出東海濱旗丁泅採世其業授  
餐支餉居虞村我來各欲獻其技水寒凍肌非所論賜酒  
向火令一試精神踴躍超常倫秋江川媚澄見底方諸月  
映光生新威呼盪槳向深處長繩投石牽船脣入水取蚌

載以至剖劃片片光如銀三色七采亦時有百難獲一  
稱奇珍命罷旋教行賞賚不曉安識真艱辛世僕執  
役非蚤戶元稹何闕譬海神

詠鱣鯉魚

有目鰪而小無鱗巨且脩鼻如矜闔戟頭似戴兜鍪一  
雀安能齧半豚底用投伯牙鼓琴處出聽集澄流

再題東珠六韻

詎是鮫人泣兼非外域求地靈多瑰產水德正圓流龍

吐豈無謂雞銜亦可侔楚人非善賈河上有深謀擲米  
光能變傾盤走不留何須較合浦早愧五湖投

射熊

鷲曾聞虎畏色略較熊黃跼伏惟窩集規圓困獵行千  
鈞徒蚡蜥一箭早踉蹌七萃休稱頌由來此亦常

射熊

漢代傳開館周詩叶弄璋徒教勞土木何有兆庥祥  
攀樹如生翼飛翎早洞肪羽林持以下賜職勵戎行

時熊

中箭垂斃一驍騎尹吉圖升  
樹持以下命賜藍翎侍衛

駐蹕庫勒訥窩集口

窩集夫何許遙瞻已不凡真堪稱樹海乍可悟華嚴紫  
翠紛間砢龍蔥鎖峒巖恰如望瀛渤未飲早知鹹

窩集行

履山念無海泛水忘有陸今茲識窩集萬彙惟一木江南  
塞北攬槩頻豈無林箐皆子孫東方甲乙稟靈秀固應富  
有植類羣始從茫虎入麓口漸進蕭森失見後祇容線隙

露天光馬弗敢旁遵路走不能婁舉丹黃青亦有翻書莫  
辨名爾雅所紀限方域安能到此杞宋徵參天蔽虧絕飛鳥  
其下菁英茁仙草落葉布地似黃金疑是長者來問道華  
巖海會諸佛處一菩薩一菩提樹心花顯映多吉祥世塵遠  
隔如雲霧宇宙以來便有此大椿扶桑非其比定應默煩  
靈祇呵不知遞閱人代幾陰晴變幻光怪奇谷神出巧能  
爾為畫師未可形容擬大匠詎敢斤斧斯初經輿壤心神  
清色惟真色聲真聲欲笑嵇含花木疏點筆聊為窩集行



八月十三日作

紫禁朝儀幽野間

時東巡取道吉林駐蹕查拉芬阿林即於慢城行禮

曉晴信可

悅

慈顏

夜間微雨曉即大晴

營臨西水誠瑤水座對南山是壽山

國語

謂壽為查拉芬康熙二十一年駐蹕於此值萬壽節山以是得名

皇祖

亦有冰桃千

歲熟却欣霜柏萬峰殷肇祥龍慶承

皇祖

先澤惟懷繼述艱

松子

窩集惟木海粵有千年松拔地數百尺始見枝蓬蓬下

視萬種樹如祖臨兒童間氣孕靈實層出寶塔重

俗呼其殼

為松塔云

鱗砌纈纈累珠顆含其中碧幢及翠蓋瑞湧巔笑

蓉喬松遇已艱結子百一逢因知希世珍不與凡卉同

玉角重堂卷甘腴香氣濃可用資學仙詎惟能療風舊

聞取之法劖根僵鐵龍葯房得一二誰惜山將空圖便

事暴殄未可聽其蒙命茲緣木求禁彼斤斧攻非關惻

隱物惟懷造化功

再咏松塔六韻

豈是從空湧端宜凌漢看虬枝  
吉雲擁蚌顆瑞星攢信  
可名仙品寧稱掛食單  
稀珍惟五鬣方物重三韓  
朗朗  
千秋鏡層層七寶欄  
還疑赤松子頭著紫蓮冠

霜

水鎮凝銀氣山疑碾玉塵  
草花皆偃仰松栢獨精神  
青  
女顏如舊麻姑鬢似新  
定知晴日暖萬物潤津津

中秋夕即事

賞節今秋未可行  
修刑此日惕予情  
餅瓜自是頒千帳  
歌舞應教撒六英  
蔽缺山峰倩高迥  
復圓鏡體仰光明  
兢兢敢擬尋常視  
兄弟何容較重輕

行圍即事三首

控弦舊俗重三韓  
巡狩當秋取便看  
壁水圓流縈捺鉢  
玉山直影矗槍竿  
風前落葉蕭蕭下  
霜後平莎漸漸乾  
獲鹿較於北塞美

寢門持進勸加餐

崇椒擇勝小徘徊為友為羣得得來八月有鷹皆掣韝

居候切齊風無犬不重鋤唐弓奚必千鈞力湯網惟慙三

面開日日留人待章奏持來馬上便親裁

楓榭丹黃松栢青谷神色色復形形待圍藉草為茵褥  
馳獵陸山作戶庭見藻衆軍皆子弟

龍興舊地倚威靈覲

光揚

烈惟予責志奠皇圖萬載寧

雨

八月十七日

侵晨雲布雨絲連密織踈飛黯澗川雖是沾塗怨行旅

幸因解沴報司天

月食後三日內得雨則不占望夕月食故云

蒐狩精權寓詰戎舊家遺俗勉勞躬文侯罷獵傳佳話  
此地羣將笑漢風

行程兩月率逢晴萬事應防太順情況有予心遙慰處  
關中秋麥正新耕

輝發故城懷古

有序

晉輝發貝勒拜音達理持兩端於我朝及葉赫之間屢背姻盟因山築城凡三層以自固我

太祖一舉而平之至今經其城仰

神威之如昨勵慎守於無疆

天教草昧起

英雄開創艱難自大東剗削蓬蒿基景運驅馳險阻立豐功渝盟徒恃營三窟不戰惟勞舉一戍荒堵秋風懷

昔日欽承統緒凜予衷

登輝發故城再賦

輝發河東靠崋峰云是當年征戰處拜音達理

輝發貝勒名也

抗

王師築城三遭守險固質臣取還婚弗娶潛與葉赫通  
盟屢患在肘腋弗翦除堂堂大業何由樹我

祖神武真天人一時龍虎風雲附師興五日破堅城殲  
魁宥脅為臣庶即今旗籍那拉氏百年世祿被恩遇我



來仰

烈憶草創撫蹟應親攬艱勦威呼雙槳渡溪河彼岸候  
馬亂流預葦叢蔽騎披冒過其下浸淫盡沮如山從人  
面起嵯峨仰不見天密林攄策騎尋逕歷其巔雉堞久  
頽蔓草護故老無能為我言敬觀

締造披實錄叶徒見山高水清概懷哉久安長治故從

臣謂我今日勞較

昔如何莫輕語

吉林土風雜詠十二首

有序

吉林在盛京東北我朝發祥所自舊俗流傳有先  
民遺風馬甲戌東巡駐蹕連日江城山郭廬旅語  
言想見岐豳式廓之始咨詢土風拈二字成語者  
為題得近體十有二首聊紀一二云爾

威呼

剡巨木為舟平舷圓底脣銳尾脩大者容五六人  
小者二三人剡木兩頭為槳一人持之左右運棹

# 捷若飛行

取諸渙卦合義經舴艋評量此更輕刻木為舟刻木楫

林中攜往水中行

窩集中山溪相間凡採參捕貂者攜威呼以往遇水則乘之

飽帆

空待吹風力柔櫓還嫌劃水聲泥馬賒枯尤捷便

泥馬賒枯

者以樺皮為之只容一人兩手持小槳划行

恰如騎鯉遇琴生

## 呼蘭

因木之中空者剗使直達截成孤柱樹簷外引炕  
煙出之上覆荆筐而虛其旁竅以出煙雨雪不能

入比室皆然

中通外直求材易暮爨晨炊利用均曲突徙薪誠上策  
焦頭爛額更何人踈煙土銚烹蒸便夜雨荆筐蓋覆頻  
却有千年遼海鶴驀疑華表話前身

法喇

似車無輪似榻無足覆席如龕引繩如御利行冰  
雪中俗呼扒犁以其底平似犁蓋土人為漢語耳  
架木施箱質莫過致遙引重利人多冰天自喜行行坦

雪嶺何愁嶽嶽峩駿馬飛騰難試滑老牛緩步未妨蹉  
華軒誠有輪轅飾人弗庸時奈若何

斐闌

弧矢之利童而習之小兒以榆柳為弓曰斐闌剡  
荆蒿為矢翦雉翟雞翎為羽曰鈕勘

榆柳彎弓弦縻絲剡荆作箭雉翎翬壯行幼學率由舊  
蓬矢桑弧匪襲為揖讓豈知爭君子闔捫惟覺慣童兒  
曾聞肅慎稱遙貢可惜周人未解施

賽斐

古人食皆以匕羹則以勺國俗舊用木匕長四寸  
許曲柄豐末猶古制也

質古惟稱以木為曲長且橢進餐宜鼎中底用輕染指  
座裏應教笑朶頤無下奢哉嗤彼箸有球便矣藉茲匙  
青泥坊底芹香處杜老居然得句時

額林

度橫板楣棟間以貯匱篋餅甌諸器具兼几案匱

匱之用

度楮橫版當中厨家計精麤箇裏俱鼠鬧欲投還忌器  
爵飛同量不妨觚竈間那識薪為蠟几上常看皮是烏  
淳樸遺規恭儉德風聲擬使遍黃圖

施函

斲木為筩因其自然虛中以受物貯水釀酒皆用  
之視束鐵編筏攢木片為器者天質為勝

誰云瓠落不中材虛受天然器量恢泉貯雲漿消舊渴

春筍石凍醢新醅早啗轆釜催人去

閭閻有無相通客至必留飯其有韻

羹者羣以為客而笑之

何用脩筒引水來可供餅壘謝梁棟孰非

造物善栽培

拉哈

土壁堵間綴麻草下垂緣以施圻墁此國初過澗  
芮鞠間故俗也

乘屋居閒事索綯經營婦子共勤勞禦寒塞向諸凡預  
施墁編麻要取牢出氣天窗柱左右

拉哈墻壁之上據棟中豎柱以承梁



左右留二孔出氣謂之嘛木哈  
圖拉圖拉者漢語所謂柱也

通煙土銚炕周遭室家

幽館風猶在慙愧宮庭雉尾高

### 霞綳

蓬梗為榦搏穀糠和膏傅之以代燭燃之青光熒  
熒煙結如雲俗呼糠燈

蓬梗糠粃膏傅塗茅檐夜作每相需績麻乍可呼燈婢  
耽奕非關誚燭奴最愛燄輝一室朗郎辭煙染滿窗烏  
葛燈籠是田家物勤儉遺風與古符

豁山

夏秋間擣敗苧楮絮入水漚

去聲

之成毳漚蘆簾勻

暴為紙堅韌如草謂之豁山凡紙箋胥以是名之  
擣苧漚麻亦號箋粘窗寫牘用猶便百番徒訝銀光薄  
萬杵還輕越竹堅但取供書何貴巧便稱鋪玉詎能賢  
高麗鏡面尋常有愛此淳樸舊制傳

羅丹

鹿蹄腕骨也舊俗以蹄腕骨隨手攤擲為戲視其

偃仰橫側為勝負小者以麋大者以鹿瑩澤如玉  
兒童婦女圍坐擲以相樂以薄圓石擊之則曰帕  
格

投石軍中以戲稱手彈腕骨俗相仍得全四色方愉快

腕骨一具四面各不同持四枚擲之各得一色則為四色全大約以此分勝負何必三梟始絕

勝閨秀爭能守爐火

一手攤擲承空上下各取之以不  
動局上者為工婦女多能之非男

子事也

兒童較遠驟寒冰

又有較遠之戲趨冰上  
以中為勝名曰撒罕

無端勝

負紛憂喜麋鹿那知有許能

周斐

樺木之用在皮厚者盈寸取以為室上覆為瓦旁  
為牆辟戶牖體輕而工省逐獸而頻移山中所產  
不可勝用也

巢處遺風藉樺皮上簷側辟總堪為端誇不漏還勝瓦  
豈慮頻遷等奕基甕牖繩樞猶未備夏涼冬暖且相宜  
五侯第宅皇州遍芮鞠先型爾尚知

曉行即景

兩山中間夾溪川山寒嵐重溪生煙煙嵐相逼黯如霧  
雖零不濕汗漫然策騎如遊乾闥利祥麟威鳳紛騰騫  
三株雙樹不根峙層樓阿閣無地懸須臾金翼麗高照  
真空幻有消無緣世間萬事不異此前人後議誠誰賢

海蘭河屯

有序

海蘭河屯者漢言榆城也遵槎爾茂嶺而西旁見  
舊城之基馬雉堞無存土壘尚在昔年征戰之時  
各築堡自守遺老既盡無能道其事者以其生榆

樹馬則謂之榆城而已

虎視龍爭各據時高培戰壘濶穿池何年貝勒失名姓

昔東方部落強有力者率自稱貝勒此荒城祇址基總為

聖人驅除去聲難維新

天命眷歸期秋風榆戍經過處

奮旅維艱企繼思

即事五首

吉林圍接盛京圍天府秋高獸正肥本是昔年馳獵處

癸亥年謁

祖陵

山情水態記依稀

依疆執役兩將軍率下從公各効勤都是沛豐諸子弟  
爭先奮勇起風雲

詰戎深意寓于畋故國圍場近柳邊聞說

彎弧親射虎稜稜

神武至今傳

我

太祖

太宗定鼎盛京即留此

地以為習武教獵之所每以此事為重立

法亦甚嚴或逢熊虎無不

親御弧

矢馬上射之詰戎示後之意至深遠矣

箭取儵羣俟友鹿網來巨口細鱗鱸雲中山色能生動

澗底泉聲乍有無

即漸皮衣換絮衣長途定省奉

慈闈留都父老心猶急重喜翠華指日歸

八月二十三日作

石火流光十九年圍停不用駐行旃秋風虎帳無餘事  
心到燕山易水邊

明牕

檀室無風亦自暖紙窗受日光猶滿溫暾融盎總如春



今昔年華紛在眼  
毳幕布帳拱和門  
土竈煙踈未午飧  
奔波豈少無家者  
廣廈惟懷杜老言

鶴

松頂一孤鶴  
翻飛向東海  
是禽不恒逢  
知近蓬萊在非  
關謀稻梁豈為誇  
毛彩遊棲必仙鄉  
顧啄惟蘭茝  
矰繳誰能加  
軒車寧慕載

箭草

草有稱箭者  
刺衣劇難去  
巽入每切膚  
倒鈎常礙足

叶

胡不為芝蘭亦均沾雨露堪比浸潤譖寧辭膚受愬荼  
韞未易防對此能無慮

塔兒頭歌

有序

兩山之間積水不流歲久沮洳色如鐵鏽國語謂  
之塞勒克特木克漢語則謂之紅鏽水草生其上  
纍纍成墩國語謂之烏喀達漢語則謂之塔兒頭  
又蒙古語凡小兒始學步艱行者謂之塔兒圖疑  
即此語之誤作塔兒頭歌

深林大谷太古然林有落葉谷有泉泉渟葉積成鏽水  
漬泥蔓草相連牽草腐為壤壤生草月長日引經靈潦  
禹棄四載不敢問付之地媪任濕湫高低羅列宰堵波  
明駝負重愁若何驚麋駭鹿每遯跡獵騎縱射還得多  
南人款段忽見此下馬扶奴勞步履豈繞舍利學芻芻  
不報無道稱君子

燃霞綳觀書因題

豈無絳蠟將銀燭愛此熒熒古與稽劉向傳經寧我事

居然天祿照青藜

暖三首

邇來風日又迴暄射獵渾嫌細毳溫且免輿僮切膚冷

况欣駝馬軟臙存

天寒則駝馬臙易瘦天暖草肥則駝馬臙尚可支也

暄冷天公本無意喜暄畏冷自人情撫時端可通於政以重為威底有成

猶憶前巡暖異常人言都道帶來陽

盛京向稱極寒地癸亥東巡時亦覺

暄暖異常曾有人言羣道帶陽歸之句

陪京已近欣南望咫尺英莪

邊牆門名

關柳墻

花園 有序

癸亥東巡時道經此地繁柯密葉鬱然猶存昔曾  
託興成章茲復摘毫命什

聞說名園近興懷昔景賒叢中無別草

兩叢相對其  
下不生襟草

枝

上想繁花了了增山色堂堂閱歲華本來百獸避

土人云凡

鳥獸避跡不敢蹂踐底用木欄遮植物鍾靈氣奇蹤多異傳

相傳花時

人過之畏不採擷或不然猶是卉何以獨長年那辨滄

有所犯必致疾病云

桑後難稽池館前每來花謝過笑我偶無緣

射虎行

風生叢薄於菟馳避人竄伏耽旁窺羽林多有射生手  
隔川命中曾無遺僕姑一發郵藉再哆吻闔首陳橫陂  
據險出奇復不懼咆哮白額如視狸斬將奪旗有若此  
卞莊李廣非所知

進英莪門

重關申畫郊圻分

煌煌祖制千秋遵

康熙年間始建柳條邊西自山海關東屬海又一自鐵嶺而分北東統吉

林過虞村而止是為外障其內則圍場地

圍陞背指行歷盡舉頭喜見英莪

門結繩列柵金城固休養善守

深意存入關樹葉尚餘綠靈占地氣

心通神

柳條邊蓋依興安嶺而建山分陰陽故地之寒暄判然不同即長城亦然

築塲納稼

率已畢連村額慶多高困猶道今秋纔半熟不知苗碩  
農情真我進英莪凡兩度

興京近矣懷生欣

橋山指日此敬謁周甲思慕焉能申

即事三首

路依中谷墅依隈野老欣逢翠輦迴笑指碧川漩復水  
英莪門外帶將來

澗瀍本是故鄉民露冕重看意倍親賜復蠲租自常例

更思鮮

平聲

惠水災貧

時以車駕巡幸賜復一年又因秋潦加恩撫卹

路側荒垣倚碧嶒當年戰守是誰曾停鞭欲問開疆事  
故老稀存杞宋徵



三關

第一關名雅爾哈

國語雅爾哈即漢語豹也

天閭虎豹雄神州第二

代岷極險絕

國語代岷即漢語雕也

雕鶚到此還應愁三關扎喀

連邊壤

國語扎喀即漢語邊也

一成之旅懷

前猷由來攘外先奠內始基沮漆多綢繆招世貽統建

大業蓬蒿斬艾

躬勞憂深根固蒂綿萬葉試看納綠源長流

興京疊舊作韻

一成傳

昔代六御駐秋時  
鼎峙留都近

龍興大業基

經營堪想像  
繼述益懷思  
陟嶽爰瞻迥  
降原復相去聲卑

地呈龍鳳闕

天昇日星姿  
廬旅遡過澗  
椅桐紛樹陂  
風雲環

帝座黔赤迓

王旗締造誠  
恢廓混同豈  
留去聲遲重來  
心越悚

永祐德恒垂奕葉欽堂構艱難尚克知

恭瞻

啟運山作歌

長白龍幹西南來靈山

啟運神堂開源遠流長綿奕世駢蕃禋社皇圖培

肇祖衣冠秘陵室

三祖元宮千載謚仇成不共何忍言七恨興師此第一

我景祖 顯祖陷明氏之計致不諱是  
以我太祖 興師討明以此為七大恨之首爰始爰

謀緬

亶父

橋山景佑猶故土昌平樵採禁至今朝家厚德昭千古

明季謂我朝興自遼東乃毀及金陵為壓勝我朝雖有二祖之恨而彼南京孝陵及昌平十三陵皆為守

護禁樵採厚德仁風垂則千古云

乘馬過

興京再詠

赫圖阿喇連

興京

國語赫圖阿喇者即漢語橫甸也我祖宗舊發祥地順治年間尊為興京橫甸在其南惟

餘土城蹟榛莽叢生矣

依山樹柵聊為城秋風策馬一憑閱兆基

締構欽

龍興茅茨木突風猶古故宮欲覓迷處所涕零

始業何其艱九重萬戶遑安處

顯佑宮疊舊作韻

重至

興王里言瞻顯佑宮呵靈金闕肅拾級玉階宗追念當

開創惟欽禮

昊穹握符承

帝佑基命建

神功萬寓拱皇極千秋鎮大東  
繼繩滋勵志對越益虔  
衷何有揚

光烈惟應仰

駿鴻皞熙猶未致怵惕每慙躬

薩爾許

國語薩爾許即漢語木厨也峰勢肖之因以得名

厨峰鐵背界凡

二山名

間舉

義旗初創業艱諾米無能誇地利

初薩爾許城主諾米納背盟合尼堪外蘭

拒我師

太祖

定計誅之取其城

杜松安足抗師顏

既得薩爾許遂駐師於此以五百人

破明四路兵數十萬

秋風瑟瑟重經過

鐵杜松於鐵背山

天武稜稜莫仰攀寄語方來應敬念豈容易撫有瀛寰

重陽日侍

皇太后宴

九九符陽數  
秋秋協歲行  
海山增

介祉風物麗  
陪京幽樹丹  
含籟岐花黃  
放晴登高真  
恰當曾此俯  
寰瀛

新月

行營三度看  
蛾月夜漸添  
長景倍新帳  
殿篆凝輝雉  
尾網城漏遞  
晃魚鱗一天  
秋思吟新魄  
萬幕寒衾憶  
從臣忽聽遠  
村砧杵動授  
衣時節恰臨  
幽

恭謁



永陵

四祖分

陵塋壙同

鴻禧景佑奠岐豐制因漢氏修園寢

尊擬周家號古公念結拜瞻千里外派綿繼續萬年中  
曰承曰啟均予責惟敬惟勤勵此衷

恭謁

福陵

天柱隆崇萬載亭

陵山名  
天柱山

福貽奕葉藉威靈風雲儼若通

神緯龍虎常如護

帝扃黍稷一時陳俎豆瞻依十載易霜星敬觀

實錄思開創每悉

艱難淚雨零

恭謁

昭陵

丕顯

丕承王業昭肇基

景命大清朝那同鼎足分三國可擬

戎衣定一朝兩白常趨石馬汗

陵前立仗石馬曰大白  
小白蓋


太宗當日

所乘以略  
陣破堅者

萬青永護玉峰標元孫五世親陳奠優渥

聲容未覺遙

御製詩二集卷五十二



總校官庶吉士臣侍朝

校對官檢討臣郭寅

謄錄監生臣張元信